

DRITA nr. 12/ 1997

KANGË PËR BYLBYLZEZËN

(KËNDON RAPSODI I TRELLEBORGUT-SUEDI)

Kjo shqiponja ç'po fluturon
Maje resh ajo po shkon
Me veshë hollë po vëzhgon
Një sharki mos po e ndigjon
Bylbylziun ku asht kah këndon
Po pyet shqipja lartë mbi det:
- Ku e ka shpinë një bylbylshkret?
Ku e ka shpinë ky zog i zi
Që për popull hiç s'po ndi
Hiç s'po ndin për popull t'vet
Që ka ra sot n'këtë siklet,
Jam tue e lyp e s'po muj m'i gjetë!

Kështu tha shqipja dhe fluturoi
Në vende të largëta vajti e shkoi
Deshti me sy të vet ajo m'i pa
Trepërqindëshin kush s'asht tue la
Mbi fusha e dete tuj kalue
Iu mbush mendja pak me pushue
Shpejt shqiponja kriht i mblodhi
Me sy të mpreht vendin e zgjodhi
Në Trelleborgun e Suedisë,
M'i takue bijtë e shqiptarisë...

Zot i madh, shqipja çka s'pa!
Pa shqiptarë ma të zi se shkja

Do bylbyla - që i thojshin veti,
T'pa pikë shpirti, e t'pa pikë rahmeti,
Bajshin franga po edhe marka,
Mish për drek e mish për darka
-He atyne, o Zot, iu preftë nafaka!
Vatan shkretin e kishin harrue
-Zot i madhi!, mos le pa i marrue!
Marroj Zot ti me faqe të zezë
Këta horana të dalun fesë!

Ç'bani shqipja, ajo e gjora
Zemërplasun nga këta hora
I lëshoi për faqe do lotë të valë
E një gjamë s'mujti m'i ndalë,
Jo veç gjamë po edhe një mallkim
E lëshoi shqipja n'fluturim:
- Ju, kurbetçarë, or bijtë e mi
Si e harroni ju nanëloken në zi!
Që ajo sot e ka të thatë atë sofër
Po, a harrohet vëllau me motër?
-Ju vraftë Zoti siç ju paska vra!
A bahet burri vëlla me shkja?
Mallkue nana që u dha gjinin
Mallkue votra ku e latë hinin
Mallkue qofshi nga dheu i të parit
Mallkue qofshi djalë pas djalit
Sa të jenë gjallë fara e shqiptarit!

LETRAT E LEXUESVE


I dashuri Shefki!
Telashet dhe gajlet e jetës më penguan të të lajmërohem me kohë. Ndoshta nuk është vonë, për të shprehur gëzimin tim për daljen e revistës DRITA dhe për të falenderuar vëllaznisht për dërgesat me rregull të katër numrave të fundit. Fizionomia origjinale e DRITËS, përmbajtja e materialeve të botuara, kanë bërë një freski dhe risi të këndëshme në letrat shqiptare. Ju përgëzoj nga zemra për sukseset e arritura, duke dëshiruar që ato të jenë edhe më të mëdha. Bëni përpjekje dhe gjeni mënyrën që Revista jonë e dashur të jetë pronë e çdo familjeje shqiptare. Ju përshëndes ngrohtësisht:

Shefqet Jashari
Cernil Antoine 9
2300 La Chaux - De Fonds - Zvicër

Revistë kulturore - informative Shoqata Besa, në Trelleborg-Suedi
Kultur-och informationstidskrift Föreningen Besa i Trelleborg-Sverige

DRITA

Viti II
NR. 12/97
Çmimi
30:-



Babë Tahir Kërrnaja - Kosova

Burrë në zë nga Malësia e Gjakovës. Ka emiguar nga Shqipëria në SHBA. Në janarin e këtij viti i ka mbushur 90 vite. Megjithatë, Babë Tahir - Kosova, nuk la demonstratë pa marrë pjesë duke kërkuar liri për Kosovën me Vise dhe bashkimin e gjithë Shqipërisë.